

COUPLES FOR CHRIST

Foundation for Family & Life

COUPLES FOR CHRIST FOUNDATION FOR FAMILY AND LIFE (CFCFFL), usa ka pribado'ng pundok sa mga magtutu-o nga hugot mobolig sa pagsangyaw sa maayong balita sa kaluwasan ug pagbag-po sa kinabuhi sa pamilya.

CFCFFL maoy usa ka misyonaryo'ng lawas, ug ang mga pamilya nga naglangkob niini, mga pamilya nga maoy instrumento sa Balaang Espiritu aron pagbag-o sa dagway sa kalibutan.

Ang Atong Katuyuan

CFCFFL gitawag aron pagbarog sa pagpanalipod sa pamilya nga gimugna sa Ginoo. Gitawag kini aron pagdala sa pamilya balik sa plano sa Ginoo. Gitawag kini aron pagdala sa kusog ug kahayag sa Ginoo ngadto sa mga pamilya'ng naningkamot nga mahimo'ng tinud-anay nga pamilya sa kabag-o han.

Ang CFCFFL mag-alagad sa pagba-o sa Kristohanong pamilya sa lain-lain'g ang-ang: sa kaugalingon, sa pamilya, ug sa kinatibuk-ang katilingban.

Kaugalingon'g pagbag-o. Ang CFCFFL magdala sa batakang mensahe sa Kristianismo ug magsangyaw niini pag-usab aron nga kadtong makadungog niini makahimo sa pagba-o sa sa-ad ngadto sa Ginoo sa paagi nga maghimo kanilang makadawat sa dakong kasinati-an sa gasa sa Balaang Espiritu sa ilang kinabuhi.

Pagba-o sa Pamilya. Samtang ang magti-ayon nagbag-o sa ilang saad ngadto sa Ginoo, ila usab nga gibag-o ang ilang saad sa usa'g-usa ug sa ilang Kristohanong pamilya. Inanay, ang bag-ong kinabuhi nga ilang nakaplagan diha sa Ginoo maghatag og maayong relasyon sa pamilya ngadto sa uban.

Pagba-o sa Simbahan. Samtang nabag-o ang matag pamilya, magmugna kini'g kutay o hut-ong sa mga matinud-anong pamilya'ng Kristohanong nga dili lamang maglig-on sa usa'g-usa apan lakip na ang kinatibuk-ang Simbahan diin sila mahisakop.

Ang Atong mga Uyokan'g Mithi

Ang atong mga uyokang mithi naghulagway kon kinsa kita ug unsay atong mga gimbuhaton dinhi sa kalibutan. Magahatag kini kanato'g sumbanan ug makanunayong giya sa pagpadayon sa atong kinabuhi ug misyon.

1. Nakasentro ni Kristo.

Sa tanan nga ni-a kanato ug ang atong buhaton, gilantaw nato si Jesus, kinsa mao ang atong Manluluwas ug Ginoo. Si Jesus ang atong modelo sa pagtuman sa kabubut-on sa Amahan, sa atong kamatinu-uron sa Iyang tawag, ug pagpa-ubos diha sa Iyang Diosnong kabubut-on. Ug kay ang nagtawag nato balaan man, maningkamot unta usab kita sa kinabuhing balaan (1 Ped 1:15-16), ug magpadayag sa mga bunga sa Espiritu Santo diha sa inadlaw nato'ng kinabuhi (Gal 5:22-23).

222. Magsasangyaw ug Misyonaryo.

Gitawag kita aron pagsangyaw sa maayong balita ni Jesus ngadto sa tibuok kalibutan (Mk 16:15). Kita Iyang mga saksi (Luc. 24:48). Matag miembro sa CFC-FFL usa ka magsasangyaw, sa inadlaw nato'ng kalihukan. Naglantaw kita sa pagdala sa atong misyon gikan sa atong palibot hangtud ngadto sa kinatumyan sa kalibutan.

3. Nakasentro sa Pamilya.

Ang atong kinabuhi ug misyon magsugod diha sa malig-on'g pamilya uban ni Kristo. Gi-ila nato nga ang umaabot nga katawhan moagi gayud sa pamilya. Atong panalipdan ug lig-onon ang Kristohanon'g kaminyo-on, andamon nato ang atong mga anak nga mahimong sunod nga kaliwatan sa katawhan sa Ginoo, himoon ta ang atong panimalay nga kabahin sa Gingharian. Sa atong pagpanalipod sa pamilya, gitawag kita alang sa lig-on nga baruganan ug pagpanalipod sa kultura sa kinabuhi.

4. Isip usa ka Katilingban.

Kabahin kita sa dako'ng pamilya sa CFC-FFL, pamilya sa tibuok kalibutan sa nagkalain-laing rasa ug kultura apan nag-ambitay isip mga igso-on diha ni Kristo. Nagtinguha kita sa susama nga pagtubo sa atong kinabuhi diha sa Ginoo, uban sa gugma, pagdawat, paghigala-ay, suporta ug pag-alim. Matinud-anon kita alang sa kaayuhan sa atong mga igsoon, kanunay magpuyo sa kamatuoran diha sa gugma (Ef 4:15).

5. Pagkinabuhi Paghatag og Labaw'ng Pagtagad sa mga Kabus

Atong gidawat ang misyon ni Kristo sa pagdala sa maayong balita ngadto sa mga kabus (Lk 4:18). Atong gilantaw ang espirtuwal ug materyal nga paglambo sa labing ubos sa atong mga igsoon. Sa paghimo niini, uban kita sa mga kabus sa pagtinguha sa yanong kinabuhi, pagpaambit sa unsay naa kanato, ug sa pagpakigbisog alang sa kaangayan sa tibuok kalibutan.

6. Pagsunod sa Usa ka Maalagaron'g Pagpangulo.

Nakaangkon kita og kahigayunan sa pagpangalagad sa Diyos, sa sulod ug sa gawas sa CFC-FFL. Nag-alagad kita uban sa hunahuna ug kasingkasing ni Jesus, kinsa mi-abot aron mag-alagad ug dili aron alagaran (Mt 20:28). Ang mga pangulo mag-alagad nga mapa-ubsanon, mag-antos ug magtuman sa sugo sa Labaw'ng Magbalantay, kinsa mao ang atong hatagan sa husay (Hb 13:17). Kinsa kadtong buot mahimong dako, kinahanglan nga mag-alagad siya sa tanan (Mt 20:26-27).

7. Alagad sa Simbahan.

Kita sa CFC-FFL mga kabahin sa Simbahang Katoliko. Mosunod kita sa Kaubispohan ug sa Santo Papa. Ang atong kinabuhi, pagtulun-an ug pagpangalagad ipahi-uyon sa mga Katolikhong mithi ug sukaranan. Kita andam sa pag-alagad sa mga parokya ug dioceses, ilabina sa kabahin sa Pamilya ug Kinabuhi. Gilantaw ta si Mama Mary, ang inahan sa Simbahan, isip atong kadasig, modelo ug panabang.

Christian Life Seminar (CLS) sa Couples for Christ Foundation for Family and Life (CFC-FFL).

Ang CLS usa ka malangkubong programa nga gipahaum aron pag-giya sa mga moapil alang sa pagbag-o sa pagsinati sa Diyosong tawag isip Kristohanong binuhat ug magti-ayon.

1. Alang sa kaugalingon, madala kini'g lig-on nga ralasyon tali sa Diyos diha sa dugang pa nga pagkaplag ug pagpuyo uban sa gahum ug mga gasa nga nadawat gikan Kaniya.
2. Alang sa Pamilya, magdala kini sa magti-ayon sa pagbag-o sa panumpa sa Kristohanong Kinabuhi sa Pamilya ug sa pagmugna sa usa katilingban nga nagsunod sa Kristohanong Pamilya.

Ang maong programa naglangkob sa siyam (9) ka mga managlahin'ng sesyon. Ang CLS adunay tulo (3) ka hut-ong sa tag-tulo ka sesyon. Ang unang hut-ong naghubit sa batakang kinabuhi nga Kristohanon. Ang ikaduhang hut-ong naghubit sa kinabuhi nga gitinguha sa Diyos alang kanato, ug pagtabang sa matag-usa, bisan unsang kahimtang ana-a siya, ug sa pagpahi-uyon sa ilang kinabuhi diha ni Jesus. Ang ika-tulo nga hut-ong makatabang sa usa'g-usa sa paghalad sa ilang kinabuhi sa gahum sa Balaang Espiritu, ug sa paghatag og sumbanan alang sa pagpadayon sa kinabuhi'ng espirituhanon.

Hut-ong 1: ANG BATAKANG KAMATUORAN MAHITUNGOD SA KRISTIYANISMO

1. Gugma sa Diyos

Ang uluhan'g "Gugma sa Diyos" maghisgot mahitungod sa kasibot sa Diyos sa pagdala kanato gawas sa kalibog ug kagubot nga sagad masinati sa modernong kalibutan. Ang Diyos lamang maoy magdala kanato gawas gikan niini, ug nahimo Niya kini sa Iyang pagpadala sa Iyang bugtong Anak, si Jesukristo, sa kalibutan aron mag-antos ug magpakamatay alang kanatong tanan.

2. Unsa ang Pagka-Kristiyano

Kining maong sesyon naghan-ay sa mga kulang ug sayop nga pagtuo mahitungod sa Kristiyanismo. Nagsugid kini sa unsay dili husto. Unya magpadayag kini nga ang pagka-Kristiyano di-ay usa sa pakighiusa sa Diyos, nga nahimo pinaagi sa kamatayon ug pagkabanhaw ni Jesukristo. Ang nakahimo nato nga mga Kristiyano mao ang atong mahigugmaon, personal nga relasyon sa Diyos, ug ang atong tibuok nga kinabuhi nga naghulagway sa maong relasyon.

3. Paghinulsol ug Pagtu-o

Ang Kristiyanismo maoy usa ka kahimtang nga sa way duha-duha ug tuyo nga gisugdan sa Diyos. Tungod niini, ang atong angay nga tubag mao ang pagbasol ug pagtu-o. Doble tubag kini. Ang paghinulsol nagkahulugan og pagpalayo gikan sa sala. Ang Pagtu-o, sa laing bahin, mao ang pagssalig nga Jesus mao ang atong personal nga manluluwas.

Hut-ong 2: ANG TINUOD NGA KINABHI'NG KRISTOHANON

4. Ang Kristohanon'g Sumbanan: Panghigugma sa Diyos

Kini ang saysay sa una ug labing kako nga sugo. Tataw kini nga nagpasabot kon unsa gayod ang kahulugan sa paghigugma sa Diyos sa tibuok kasingkasing, sa tibuok hunahuna, ug sa tibuok kusog.

5. Paghiguma sa Silingan

Uban sa paghigugma sa Diyos, naglangkob kini sa kina-uyokan sa kinabuhi'ng Kristohanon. Ang maong uluhan nagpadayag sa kala-inan sa Gugma sa Diyos ug sa kalibutanon'g huna-huna sa gugma. Ang gugma dili paghupot sa positibo'ng huna-huna, kanunay'ng pagsulti'g "Oo", kanunay'ng manalipod, pagtan-aw sa kaugalingon o kanunay'ng modominar. Hinoon, ang Kristohanon'g gugma usa ka maamgohong hukom sa paghalad sa kaugalingon ngadto sa napulo ka sugo sa Diyos. Usa kini ka saad sa pag-alagad sa atong isigkatawo.

6. Kinabuhi diha sa Espiritu Santo

Ang matuod nga Kristiyano dili lamang usa ka tawhanong kagustohan apan usa ka bag-ong kasingkasing, bag-ong kinabuhi gikan sa Diyos. Ang Balaang Espiritu nagdala kanato sa pagsinati sa Diyos, ang buhing kalambigitan uban Kaniya ug ang Iyang gihimo sa atong kinabuhi. Uban sa Espiritu Santo, atong nasinati pag-usab ang panaghi-usa uban sa Diyos sa bag-ong paagi, espirituhanong gahum ug gahum sa pagpangalagad.

Hut-ong 3: PAGPUYO SA KRISTOHANONG KINABUHI NGA PUNO SA ESPIRITU SANTO

7. Pagdawat sa Gahum sa Espiritu Santo.

Ang maong sesyon naglangkob sa pag-ampo diin ang mga moapil ampo-an alang sa pagkunsad sa Espiritu Santo sa ilang kinabuhi.

8. Pagtubo diha sa Espiritu Santo

Ang sesyon nagtudlo sa lima (5) ka mga batakang pamaagi alang sa espirituhanong pagtubo: pag-ampo, pagtu-on, pagpangalagad, pagpakig-ingon-ingon, ug sakramento.

9. Pagbag-o diha ni Kristo

Ang sesyon magtak-op sa kinatibuk-ang CLS nga maoy nagsugod sa dagan sa pagbag-o diha ni Kristo. Ang mga partisipante gidasig sa pagmakanunayon ug sa ma-abi-abihon'g pagpuyo sa bag-ong kinabuhi diha gahum sa Espiritu Santo.